

ՋՐԱՂԱՑՆԵՐԸ ՄԻՋՆԱԴԱՐՑԱՆ ՀԱՅԱՍՏԱՆՈՒՄ

ՀՐԱՋՑԱ ԲՆԴԱՐՑԱՆ

Ջրաղացը եղել է Հայաստանի արտադրական կարևոր կառույցներից մեկը, Հացահատի (ցորեն, գարի, հաճար, կորեկ) գլխավորապես աղացվել է ջրաղացներում: Ջրաղացի առաջնությունը կապվում է ջրի ուժով աշխատող թափանիվի ստեղծման հետ, որը Հռոմում օգտագործվում էր արդեն մ. թ. ա. I դարում: Եվ ինչպես ցույց են տալիս փաստերը, հենց մ. թ. ա. դարում էլ կառուցվել են առաջին ջրաղացները: Դեռևս Յիցերոնի ժամանակաշրջանի բանաանդ՝ Անտիպարոսը ողջունում է ջրաղացի գյուտը¹, Հռոմեացի ճարտարապետ Մարկոս Վիլլիուսը մոտ 16—13 թթ. մ. թ. ա. նկարագրում է ջրաղացը², Ստրաբոնը (65—25 թթ. մ. թ. ա. նկարագրելով Ֆանարոնը՝ «Պոնտոսի լավագույն մասը», գրում է. «Կարայրում էին Միհրգաս պալատը, ջրաղացների կառույցները³, Վկայությունից պետք է ենթադրել, որ այդ ջրաղացն էլ արքունի էին և ունեին սահմանափակ քանակություն: Դրանք պետք է ժամանակի ամենանշանավոր երևույթներից մեկը եղած լինեին, որպեսզի կառուցվեին թագավորի պալատի մոտ: Ուրեմ առաջին ջրաղացները Հռոմում են կառուցվել մ. թ. ա. I դարի սկզբներին, իսկ հետո դրա՛ն կառուցվածքն ընդօրինակվել է նաև Պոնտոսում և այլուր:

Հայտնի է, որ մ. թ. ա. I դարում Հայաստանը Առաջավոր Ասիայի ամենահզոր տերու. թյուններից մեկն էր և մեծ գեր ուներ Հռոմ-պարթևական աշխարհ հարաբերություններում: Հայաստանի նման հզոր և տնտեսապես զարգացած երկիրը չէր կարող անհաղորդ լինել նա ջրաղացի գյուտի նկատմամբ: Հայաստանում ջրաղացների խոշորագույն պատմության լուսս. բանման համար կարևոր նշանակություն ունեն Ջողից և Մեղրաձորից ոսկու լվացման տաշտերի հետ հայտնաբերված հանքաքարը մանրելու աղացքարերը, որոնք պահվում են Մեծամոր թանգարանում: Դրանք պատրաստված են մոխրագույն գրանիտից և բավականին խոշոր չափեր ունեն: Տրամագծերը տատանվում են 44 սմ—58 սմ-ի միջև: Աղացքարերի մի մասը, ամենայն հավանականությամբ, հետագայում օգտագործվել է որպես շինաքար: Այդ է պատճառը, որ դրանք ունեն գրեթե ուղղանկյան ձև: Պահպանված քարերը, բացառությամբ մեկի, վերևի աղացքարերն են և ունեն թեթևակի կորություն: Դրանց հաստությունը տատանվում է 7 սմ—16 սմ-ի միջև: Վերևի բոլոր քարերի վրա շատ լավ պահպանված են տոփանի կամ տափարակի համաարված փոսիկները, որոնք երբեմն մեկ, երբեմն 2 զույգ են (վերջիններս տափարակը ավել լավ պահպանում են): Քարերի մեծամասնության չափատուղ մասն անմշակ է: Աշխատ. երեսի վրա արված են շրջանաձև, ինչպես նաև շառավղաձև գծիկավոր փոսիկներ, որոնք սկսվում են անցքից և տարածվում դեպի քարի եզրերը: Կասկած չի կարող լինել, որ դրանք արված են հանքաքարը ավելի լավ մանրելու համար: Ներքևի քարի չափերն են 67×46×11 սմ: Պահպանվել է անցքի շուրջը եղած բարձրությունը, որից սահուն կերպով անցում է կատարվում դեպի աղացող մասը, որը 10 սմ է: Քարի եզրերը դեպի վեր են ուղղված (տախտակ 1, գծ. 1) Ամենայն հավանականությամբ, քարերը պատկանում են ուշ անտիկ ժամանակաշրջանին: Դրանց չափերը բավականին մեծ են ձեռքի ուժով աշխատեցնելու համար, և փոքր՝ ջրաղացի համար: Դրանք, հավանաբար, գործի են դրվել անասունի ուժով: Ջողից և Մեղրաձորից հայտնաբերած աղացքարերի աշխատող երեսներին բացի տոփանի փոսիկներից արվել են և այ փոսիկներ ու գծիկներ հանքաքարի մշակումն ավելի հեշտացնելու համար: Ավելի ուշ այդ սկզբունքը արդեն լայնորեն օգտագործվում էր ջրաղացներում: Քարը շուտ տալով, սրածայլ մոլորով ձեռնում էին նրա աշխատող մասը՝ առաջացնելով ոչ ողորկ մակերես:


¹ Կ. Մարքս, Կապիտալ, հ. 1, Երևան, 1933, էջ 374—375:

² Марк Витрувий Пиллон, Об архитектуре, десять книг, Л., 1936, с. 305

³ Страбон, География, М., 1879, с. 566—567.

Անասունի ուժով աշխատող աղացը Հայաստանում պահպանվել է ընդհուպ մինչև XI դարը, մինչև ջրաղացի լայն տարածում գտնելը: Դա երևում է Գրիգոր Մագիստրոսի հետևյալ շափածո տողերից.

Մարդն է գերի մահուան շարի,
Քեւ իցէ Սամփոնն արի,
Շրջարերէ որպէս շորի՝
Աղալ գերկանս ի յաղօրի⁴,



Տախտակ 1.

Հայկական աղբյուրներում ջրաղացները հիշատակվում են սկսած X դարից: Ջրաղացի մասին ամենահին վկայությունը Ք. Ավդալրեկյանը համարում է Մաղարդավանքի 966 թ. արձանագրությունը. «...նոռւ Շամրայ ջաղացներն»⁵, Ստեփանոս Օրբելյանը, սակայն, վկայակոչում է Սյունյաց Փիլիպպե իշխանին վերաբերող 943 թ. մի այլ արձանագրություն, որի մեջ նշում է, թե նա վանքին է ավել երկու գյուղ թիւր ամենօրգ բոլոր լերամբ և դաշտովք, հողով և օրով, այդք և ընկուղենօք, ջրաղացուք և ամենաց մտիւք»⁶, Մի այլ տեղ նույն պատմիչը,

⁴ Գրիգոր Մագիստրոսի թղթերը, Ալեքսանդրապոլ, 1910, էջ 241:

⁵ Ք. Ավդալրեկյան, Հայագիտական հետազոտություններ, Երևան, 1969, էջ 292—293:

⁶ Ստեփանոս Օրբելյան, Պատմութիւն տանն Սիսական, Մոսկվա, 1861, էջ 196—197:

թվարկելով Տաթևի վանքի կալվածքները, հիշում է «չաղացածորե»⁷։ Ջրաղացի մասին հաջորդ վկայությունը հանդիպում ենք Դավիթի վանքի ս. Գրիգոր եկեղեցու անավարտ արձանագրություններին մեկում, որը Ս. Բարխուդարյանը թվագրում է X դարի վերջով⁸։ Վանեվանի ս. Գրիգոր եկեղեցու մի արձանագրության մեջ հիշատակվում է շրաղաց շինելը. «եռաշ Ովանիսին շաղաց շինեաց»։ Ս. Բարխուդարյանի կարծիքով արձանագրությունը X դարի վերջին կամ XI դարի սկզբին է պատկանում⁹։ «Ջրաղացպան» տերմինը գտնում ենք Արիստակես լաստիվերցու մոտ¹⁰։ Ջրաղացի մասին հնագույն վկայություններ կան նաև Մարմաշենի 1029 թ., Հաղարտի 1086 թ. արձանագրություններում¹¹։

Վերորենբյայ վկայություններից պարզ է դառնում, որ շրաղացները Հայաստանում լայն տարածում են գտնում սկսած X դարից։ IX—X դարերում շրաղացները սովորական են դառնում ոչ միայն Հայաստանում, այլև՝ Բյուզանդիայում, Իրանում և այլուր։

Միջնադարյան հայ մատենագրության մեջ եղած տվյալները հաստատում են, որ նախքան շրաղացների երևան գալը ալյուր ստանալու համար զլխավորապես օգտագործվել են երկանքները։ Շահապիվանի ժողովի կանոններից մեկում նշվում է. «Եւ եթէ կնոջն կամաք իցէ խառնակութիւնն... է տարի աղացցէ գոգեացն»¹²։ Թ. Ավգալրեկյանը ենթադրում է, որ «զըլխավոր աշխատանքը երկանքով նախ աղուն, ապա ձավար, աղ և այլն աղալն էր»¹³, Սա խոսում է այն մասին, որ V դարում Հայաստանում դեռևս լայնորեն գործածվում էին երկանքները։

Միջնադարյան շրաղացները եղել են երկու տիպի. 1) շրաղացներ, որոնք ունեցել են ուղղահայաց թափանիվ (տախտակ 1, գծ. 2), 2) հորիզոնական թափանիվ ունեցող շրաղացներ (տախտակ 1, գծ. 3)։

Առաջինի կառուցման սկզբունքը հիմնականում նույնն էր, ինչ որ ներկայացրել է մ. թ. ա. I դարի ճարտարապետ Վիտրուվիոսը։ Լիսեռի վրա ամրացված է մեծ թափանիվը՝ մի ալլ ալեխի փոքր թափանիվի հետ, որի վրա մի կողմից առամեններ կան։ Սրանք շփվում են ուղղահայաց տեղաված լիսեռին, որը նույնպես առամեններ ունի և մի ծայրով միացված է վերին աղացքարին։ Ջրի ուժը պտտական շարժում է հաղորդում առաջին անվին և փոխանցման կարգով շարժումը հաղորդում է շրաղացքարին։ Այս տիպի շրաղացքարերն իրենց հերթին ունեցել են երկու ենթատիպ. ա) ներհոսքային անիվներով շրաղացներ և բ) վերհոսքային անիվներով շրաղացներ։ Առաջին տիպին էին պատկանում այն շրաղացները, որոնց մեծ թափանիվի ներքևի մասն էր մտցվում ջրի հոսքի մեջ, Դա բնորոշ էր վաղ շրջանի շրաղացներին։ Երկրորդ տիպն ալեխի կատարելագործված էր։ Անիվն այս դեպքում տեղավորվում էր այնպես, որ վերևից հատուկ ճնշման խողովակի կամ նավի միջից ջուրը հարվածում էր թափանիվի թիակներին։ Հորիզոնական անիվով շրաղացի կառուցվածքն ալեխի պարզ էր ու արդյունավետ։ Ջրաղացի քարերի տակ խոր փոս էր փորվում, որտեղ հորիզոնական դիրքով տեղավորվում էր թափանիվը։ Նավի կամ ճնշման խողովակի ծայրը տեղավորվում էր ձախ կողմում, որպեսզի այն պտտվեր ժամացույցի սլաքի հակառակ ուղղությամբ։ Ջրի ուժը հաջող օգտագործելու համար ճնշման խողովակի ծայրափողի թեքությունը թեքերի մակերեսի հետ ուղիղ անկյուն պետք է կազմեր։ Թափանիվի միացված սունին, ներքևի շրաղացքարի անցքի միջով անցնելով միանում էր վերևի քարին։ Սունու ծայրին հագցվում էր երկաթե տափարակը, որը մտնում էր վերևի քարի մեջ արված հատուկ փորվածքի մեջ։ Թափանիվի միջոցով պտտվող սունին պտտեցնում էր նաև վերևի քարը։ Ջրաղացների ճնշման խողովակները սկզբնապես պատրաստվել են քարից, իսկ հետագայում նաև սնամեջ գերաններից, որոնք ամրացվել են երկաթյա օղերով և ստացել տակառի կամ քառանկյուն ձև։

Ջրաղացների 2 տիպի համար էլ կառուցվածքը համարյա նույնն էր, տարբեր էին թափանիվից քարին պտտական շարժումներ հաղորդելու եղանակները։ Քանի որ շրաղացների երկրորդ տիպն ալեխի հոսալի էր ու արդյունավետ, պետք է ենթադրել, որ այն ալեխի տա-

7 Նույն տեղում, էջ 227։

8 «Դիվան հայ վիմագրության» (այսուհետև՝ «Դիվան»), հ. 4, Երևան, 1973, էջ 18—19։

9 Նույն տեղում, էջ 124։

10 Արիստակես լաստիվերցի, Պատմություն, Երևան 1971, էջ 42։

11 Թ. Ավգալրեկյան, նշվ. աշխ., էջ 292։

12 «Կանոնագիրք հայոց», հ. Ա., աշխատասիրությամբ՝ Վ. Հակոբյանի, Երևան, 1967, էջ 445—446։

13 Թ. Ավգալրեկյան, նշվ. աշխ., էջ 292։

րածված էր, քան՝ առաջինը՝ Ակնհայտորեն ջրաղացի այս տիպն է նկատի ունի Ներսես Շնորհալին իր հետևյալ հանելուկում.

Մինն ի յանգունդս տառապէր,
Մինն ի յերեսսն թըքանէր,
Գըլխովն ծափս հարկանէր,
Հզկենարարն մեզ բերէր¹⁴:

Պարզ երևում է, որ առաջին տողը վերաբերում է փոսի մեջ տեղավորված պտտվող թափանվին, հաջորդը՝ նավին կամ ճնշման խողովակին, որից շուրջ ցայտում է թափանվի վրա, իսկ երրորդը՝ պտտվող և աղմկող ջրաղացքարին:

Ուսումնասիրությունները ցույց են տալիս, որ ջրաղացները միջնադարյան Հայաստանի արտադրական եկամտաբեր հաստատություններից էին և ունեին տնտեսական զգալի նշանակություն: Միջնադարում ջրաղացներն աշխատում էին կլոր տարին կամ որոշակի սեզոնում: Դա ամենից առաջ կախված էր ջրի առատությունից, նաև աղունավորների բավարար քանակից: Ջրաղացները պատկանում էին ֆեոդալներին, վանքերին և մեծատուններին: Ջրաղացների վերաբերյալ մատենագրական աղբյուրներում, բացի դատաստանագրքերում դրանց օգտագործմանը, առջ ու վաճառքին վերաբերող հոգվածներից, այլ տեղեկություններ գրեթե չեն պահպանվել: Վիժական արձանագրություններում դրանց թիվը զգալի է: Օգտագործելով մեզ հայտնի հրապարակված վիժագիր աղբյուրները՝ հաջողվեց քաղել շուրջ 4 տասնյակ հիշատակություն: Ստորև ներկայացնում ենք այդ հիշատակությունների աղյուսակը ժամանակագրական հերթականությամբ՝ նշելով ջրաղացների պատկանելությունը ֆեոդալներին, վանքերին և մեծատուններին (տե՛ս աղյուսակը): Աղյուսակը բացահայտում է ջրաղացի տերերի սոցիալական կազմում տեղի ունեցած լուրջ տեղաշարժերը: Ջրաղացի վերաբերյալ առաջին հիշատակությունից, այն է՝ 943 թ. մինչև 1201 թ. իբրև ջրաղացի տերեր հիշատակված են 4 ֆեոդալ, 5 վանք և 2 մեծատուն: 1201 թ. մինչև 1571 թ. իբրև ջրաղացի տերեր համապատասխանաբար հիշատակված են 4 վանք 6 ֆեոդալ և 19 մեծատուն: Ըստ որում, քննությունը ցույց է տալիս, որ այս ժամանակաշրջանում ջրաղացատեր ֆեոդալներն ու վանքերը մտնում էին առևտրի, շուկայական հարաբերությունների, նաև՝ վաճառական գործարքների մեջ:

Ինչպես վերը նշվեց, միջնադարյան ջրաղացները եկամտաբեր կառույցներ էին: Ցուրաքանչյուր աղունատեր պարտավոր էր որոշակի աղունավարձ վճարել: Մատենագրական տեղեկություններից դատելով՝ վարձի չափն առաջին հերթին կախված էր նրանից, թե որտե՞ղ էր գտնվում ջրաղացը, ի՞նչ հզորություն ուներ, ջուրն առա՞յտ էր, թե՞ ոչ: Աղունավարձի մասին հոգվածներ ունեն թե՛ Մխիթար Գոշը և թե՛ Սմբատ սպարապետը: Գոշը սահմանում է. «Այլ վարձըն ի գավառաց զանազանին, բայց փոփոխություն ի նուազութենէ հացի և ջրոյ կամ յառավելութենէ, եվ այդ սահման լիցի դատաստանի»¹⁵: Ի տարբերություն Մխիթար Գոշի հոգվածի, որտեղ աղունավարձի չափը կախված է հացի և ջրի առատությունից կամ սակավությունից, Սմբատ սպարապետի հոգվածում այն կախված է երկրի սահմանից և ջրի ու ջրաղացի ուժից. «...զկապըճկերն (աղունավարձը—Հ. Բ.) ըստ երկրին սահմանին այնեն, եւ ըստ ջաղացն եւ ըստ ջրին ուժոյն»¹⁶: Աղունավարձը կարող էր տրվել և՛ դրամով, և՛ քանամթերքով: Ջրաղացի տիրոջ և աղունատիրոջ հարաբերությունները սահմանող հոգվածներ ունեն թե՛ Մխիթար Գոշը և թե՛ Սմբատ սպարապետը: Գոշն, օրինակ, հոգվածի սկզբում զգոնության է կոչում ջրաղացականներին. «Եվ ջրաղացանք փորձք լիցին արուեստի ամենայն կազմուածոյ, զի մի բազմատանն ապականեսցին զկերակուր աներկեղութեամբ: Այնպիսի վնասողացն դատաստանաւ, է ոչ վարձել, այլ զվնասն եւս տուծել.— և ապա շարունակում.— ապա թէ պատճառն ի գիճութենէ՝ աղանին իցէ, անպարտք լիցին, իսկ ի ջուր զազացեալն վճարիցեն: Այլ դողացեալն՝ չորեքերին, եւ ի կոփողացն յանդիմանություն լիցի նշավակաց: Այլ թե աղացողն աւելի, քան զպատրաստեալն, ի վեր և ի խոնարհ արացցէ, վճար առ ի նմանէ լիցի, զի ասել

¹⁴ Ն եր ս ե ս Շ ն ո Ր հ ա լ ի, Հանելուկներ, Երևան, 1968, էջ 37:

¹⁵ Մ խ ի Թ ա Ր Գ ո շ, Գիրք դատաստանի (այսուհետև՝ Մ խ ի Թ ա Ր Գ ո շ), Երևան, 1975, էջ 150, 413:

¹⁶ С м б а т С п а р а п е т, Судебник (այսուհետև՝ С м б а т С п а р а п е т), Ереван, 1958, с. 172.

ի դեպ էր պատրաստողին եւ ոչ իւր համարձակելը¹⁷։ Հետաքրքիր է, որ հոգվածի մեջ խտորեն գտորոշված են թե՛ ջրաղացպանների եւ թե՛ աղունատերերի իրավունքներն ու պարտականութիւնները։ Այսպես, եթե ալյուրի վատ լինելու պատճառը ալյուրի խոնավ լինելն էր, ջրաղացատերը պատասխանատու չէր։ Իսկ եթե ջրաղացի անսարքութեան պատճառով ալյուրը ներքեի բարից ցած՝ ջրի մեջ թափվեր, ջրաղացատերը պարտավոր էր վճարել։ «...Իսկ ի ջուր զաղացեալսն վճարիցենա։ Այդ մասին հիշատակում է նաեւ Սմբատ սպարապետը «Վասն ջաղ-ջրպնեւոյ» հոգվածում։ «Ու թե անցնել տայ ընդ բարն՝ միտակ վճարէ տէրն...»¹⁸։ Աղունը

Աղյուսակ

№	Գտնվելու վայրը	Ժամանակը	Պատկանելութունը		
			Ֆեոդալ	վանք	մեծա-տուն
1	Տաթևի վանք	943 թ.	1	—	—
2	Մադարթա վանք	966 թ.	1	—	—
3	Կոշ	981 թ.	1	—	—
4	Գափուց վանք	X դ. սկ.	—	1	—
5	Արթիկի շրջ. Նոր կյանք գյուղի եկեղեցի	1010 թ.	—	—	1
6	Տաթևի վանք	1006 թ.	—	1	—
7	Վանեվանի ս. Գրիգոր	1011 թ.	—	1	—
8	Մարմաշեն	1029 թ.	1	—	—
9	Հաղրատ	1086 թ.	—	1	—
10	Հառիճի վանք	1201 թ.	—	1	—
11	Հոռոմոս	1201 թ.	—	—	1
12	Հաղրատ	1210 թ.	1	—	—
13	Հայրավանք	1211 թ.	1	—	—
14	Հայրավանք	1215 թ.	—	—	1
15	Սանահին	1215 թ.	—	—	1
16	Արզանիշ	1216 թ.	—	—	1
17	Մարմաշեն	1225 թ.	1	—	—
18	Մորո ձորո վանք	XII դ. վերջ	—	1	—
19	Բաղարան	XIII դ. սկ.	—	—	1
20	Մեծերանից ս. Հակոբ վանք	XIII դ. սկ.	—	—	1
21	Հայրավանք	XIII դ. սկ.	—	—	—
22	Նորավանք	1251 թ.	—	1	1
23	Կարմիր վանք	1286 թ.	—	—	1
24	Հոռոմոս	1271 թ.	—	—	1
25	Մադկավանք	1284 թ.	—	—	1
26	Վարդենիսի շրջ. ս. Ածածին եկեղեցի	1284 թ.	—	—	1
27	Հոռոմոս	1290 թ.	—	—	1
28	Ամադուի Նորավանք	1273—1293 թթ.	—	1	—
29	Տաթևի վանք	XIII դ.	—	1	—
30	Ջրվշտիկի վանք	XIII դ.	1	—	—
31	Անիի Ջաջարի եկեղեցի	XIII դ.	1	—	—
32	Հոռոմոս	XIII դ.	—	—	1
33	Բաղնայր	XIII դ.	—	—	1
34	Բաղնայր	XIII դ.	—	—	1
35	Լիանոսի վանք	XIII դ.	—	—	1
36	Մար-Ջառ (այժմ Աղբ. ՍՍՀ Իսախանու առողջարան)	XIII դ. վերջ	—	—	1
37	Գառնի	XIV դ. սկ.	—	—	1
38	Նորադուղ	1315 թ.	—	—	1
39	Թանատի վանք	1344 թ.	—	—	1
40	Նզվարդ	XIV դ.	1	—	—
		1471 թ.	—	—	1

¹⁷ Մխիթար Գոշ, էջ 150։

¹⁸ См бат Спарамет, с. 125.

կամ այլուրը գողանալու դեպքում ջրաղացպանը պետք է քառակին վճարեր: «Եւ ի կոփողացն յանդիմանութիւն լիցի նշավակաց» արտահայտությունը ցույց է տալիս, որ հսկողություն էր իրականացվում ջրաղացների և գրանցում տիրող փոխհարաբերությունների վրա: Բ. Առաքելյանի կարծիքով կոփիչները կամ կոփողները քաղաքային արտադրության ու շուկայի հսկիչներն էին և ունեին նաև ոստիկանական ֆունկցիաներ: Նրանք հսկում էին ոչ միայն շուկաների, այլև քաղաքի արտադրական և հասոթարեր հաստատությունների վրա¹⁹: Նշված հատվածներում կոփիչները հանդես էին գալիս գուտ հսկող ֆունկցիաներով: Ջրաղացի մասին Մխիթար Գոշի հոդվածի հետաքրքիր կետերից մեկն էլ հետևյալն է. «Այլ թե աղացողն ավելի, քան զպատարաստեալն, ի վեր և ի խոնարհ արասցէ զքար ջրաղացին և վնաս ինչ արասցէ, վճար առ ի նմանէ լիցի...»: Հասկանալի է, որ աղունատները ջրաղացի ոտքը, վերև և ներքև պետք է աներ, որպեսզի այլուրը որքան հնարավոր է մանր ստացվեր: Իսկ քարերի չափից դուրս մոտեցնելն իր վտանգն ուներ. դրանք կարող էին մաշվել, փշանալ: Ահա թե ինչու Մխիթար Գոշն իր հոդվածում հիշատակում է նաև այդ կետը:

Միջնադարյան Հայաստանում ջրաղացները տարածված էին թե՛ քաղաքներում և թե՛ գյուղերում: Ջրաղացները եղել են առ և՛ վաճառքի առարկա: Մխիթար Գոշը և Սմբատ սպարապետը հոդվածներ ունեն նաև ջրաղացների գնողի և վաճառողի հարաբերությունները պարզաբանելու վերաբերյալ: Եթե Գոշի հոդվածը աղքատության պատճառով ջրաղացի վաճառքի մասին է, ապա Սմբատ սպարապետի հոդվածը վերաբերում է ջրաղացների վաճառքին ընդհանրապես: «Յաղագս դատաստանեաց ջրաղացաց» հոդվածում Մխիթար Գոշը սահմանում է. «Եւ յաղագս աղքատութեան վաճառեալ ջրաղացք զամ մի ընդ փրկանաւ լիցին ինքեանց եւ ազգականաց իսկ այլազգ ի նմին ամի հաստատեսցի»²⁰: Իսկ Սմբատ սպարապետն իր հոդվածում գրում է. «Վասն ջաղցնոյ եւ այլ այլնցեզ իրաց, երբ գնէ ոք վկայաւ և հաստատէ թղթով նա շկարէ փաշմանիլ՝ ոչ գնաւոյն եւ ոչ ծախաւոյն, քանց ամէն կազմութեամբն գնաւոյն է թե շահի և թե վզենկի, թե կոտրի թե ուրի նույնպէս եւ նաւ է, թե տուն, թե զինչ ու լինի իրք ու թե գողնվի իրք՝ նա նույնպես գնաւոյն է»²¹:

Միջնադարյան Հայաստանում ջրաղացից գանձվել են որոշակի հարկեր: Անիի Առաքելոց եկեղեցու արձանագրություններից մեկում նշվում է. «...Իս Մխիթար որդի Գրիգոր Խուցիսին որ Անոյ տամղաճի էի... Թողի զչաղացանոյս ամէնոյ զղամղէն եւ զղահեկ...»²²: Բերված արձանագրության մեջ հիշվում են երկու հարկեր՝ զամղան կամ տամղան և զահեկը: Գառնիի 1315 թ. արձանագրության մեջ հիշվում է նաև ջրաղացից գանձվող մի այլ հարկի՝ «շրաղացի մահկանայի» մասին, որը վերացվել է²³: Փննարկելով Անիի Մանուկի մզկիթի վրա եղած պարսկերեն արձանագրությունը, Վ. Բարտոլդն այն կարծիքն է հայտնում, որ «տամղա» անվան տակ հասկացվել են բոլոր հարկերը, որոնք գանձվել են սկսած առևտրա-արտադրական ձեռնարկություններից մինչև հասարակական տները: Նա գտնում է, որ տամղան եղել է գանձարկղի ամենակարևոր եկամուտներից մեկը²⁴: Վ. Բարտոլդի այդ միտքը հաստատում է նաև Գառնիի 1315 թ. արձանագրության մի այլ հավաստումն այն մասին, որ տամղատարները վերացրել են ոչ միայն ջրաղացի մահկանան, այլև՝ «զհասարակաց գինո և զամենայն ցեղ վաճառքի տամղան»²⁵: Այլ ուսումնասիրողներ «տամղա» հարկը բացատրում են որպես. 1) խառնադրոշմ, որը խարանվում էր անասունների մարմնի վրա, 2) մաքսի նշանակությամբ ապրանքների փոխադրման համար գանձվող հարկ²⁶: Հր. Աճառյանը գտնում է, որ «տամղա» բառն առայացել է թուրքական *тамга* (տամղա)-դրոշմ բառից²⁷: Հետաքրքիր է այն փաստը,

19 Բ. Առաքելյան, Քաղաքները և արհեստները Հայաստանում IX—XIII դարերում, հ. 2, Երևան, 1964, էջ 216—217:

20 Մխիթար Գոշ, էջ 70:

21 С м бат С пар а пет, с. 125.

22 «Դիվան», հ. 1, Երևան, 1966, էջ 28:

23 Բ. Առաքելյան, Գ. Կարախանյան, Գառնի 3, Երևան, 1962, էջ 46:

24 В. Бартольд, Персидская надпись на стене Анийской мечети Мануче, Анийская серия № 5, СПб., 1911, с. 216.

25 Բ. Առաքելյան, Գ. Կարախանյան, նշվ. աշխ., էջ 46:

26 Абдул-Карим Ализаде, Социально-экономическая и политическая история Азербайджана XIII—XIV вв., Баку, 1956, с. 216.

27 Հր. Աճառյան, Հայերեն արձատական բառարան (այսուհետև՝ «Արձատական բառարան»), հ. 3, Երևան, 1973, էջ 367:

որ Ղ. Ալիշանը տամղաճիներին կոչում է «կնքահար» կամ «ոստիկան համարեալ շափուց և կշոսց»²⁸, Անդրադառնալով նշված տերմինի բացատրությանը՝ Բ. Առաքելյանը նշում է, որ տամղա նշանակում էր խարան կամ կնիք դնել. «քանի որ կնիք էր դրվում հարկադրված իրի կամ առարկայի վրա»։ Այնուհետև նա ավելացնում է, որ այս հարկը հնում միավորված է եղել բաժնի հետ, սակայն քաղաքների և արհեստների զարգացման հետ տարբերակվել է բաժնից, հանգես եկել որպես առանձին հարկ և զանձվել է զանազան հասութարքեր հաստատություններին, այդ թվում նաև շրաղացներից²⁹։ Դատելով այս ամենից՝ կարելի է ենթադրել, որ տամղան շրաղացից զանձվող եկամտահարկն էր։

Ջրաղացից զանձվող կարևոր հարկերից մեկն էր գահեկը։ Այն հիշատակվում է Անիի Առաքելոց եկեղեցու զավթի արձանագրության մեջ, ըստ որի Գրիգոր Խուցիսի որդի Մխիթարը թողել է «շաղացանոյս ամենոց զգամղէն եւ զգահեկ»։ Երկու անգամ այն հիշվում է Քանաքեռի որմնակալ խաչարձանի հարավային պատին «դէկ» և «գահեկ» ձևերով և վերջապես Երևանի Կաթողիկէ հուշարձանի հյուսիսային պատին՝ «գահեկ» ձևով։ Հր. Աճառյանը բառը մեկնում է իբրև «տասանորդ» և նշում, որ ծագել է պարսկերեն dahyak «տասանորդ» տառից մեկը, կազմված է yak-մեկ և dal-տասը բառերից³⁰։ Տերմինը քննարկել է Ս. Ավագյանը և նշել, որ առաջին դեպքում «գահեկը» տուրքի անվանում է, որ առնվել է եկամտի, տվյալ դեպքում՝ շրաղացի հասույթի տասանորդ մասից, քանի որ հիշատակվում է շրաղացների մյուս հարկի՝ տամղայի հետ միասին։ Ջ-րգ արձանագրության մեջ այն նշանակում է վաճառքի ընդհանուր գումարի տասանորդը, իսկ երրորդում ասվում է, որ Երևան քաղաքի տեր Սահմադինը օրենք է հրապարակում, որով սեփականության առումների դեպքում պարոնին պետք է տրվի ընդհանուր արժեքի մեկ տասանորդը՝ գահեկը³¹։

Հավանական է, որ շրաղացից զանձվող գահեկը նրա եկամտի $\frac{1}{10}$ մասն էր։ Ինչպես տեսնում ենք, բերված օրինակներում գահեկն ընդհանրապես տասանորդ է նշանակում։ Հետևաբար, պետք է ենթադրել, որ շրաղացից զանձվող գահեկը նրա եկամտի $\frac{1}{10}$ մասը՝ տասանորդը, պետք է լիներ։

Ջրաղացներից զանձվող Ջ-րգ հարկը մահկանան էր։ Քննարկելով տերմինը՝ Բ. Առաքելյանը այն կարծիքն է հայտնում, որ այդ հարկը զանձվել է սկսած IX—X դարերից և մոնղոլական ժամանակաշրջանում հայտնի էր «մահկանն» անվամբ³²։ Գր. Գրիգորյանը գտնում է, որ մահկանան շրաղացից զանձվող ամսական տուրքն էր, որ վճարում էին շրաղացի տերերը ֆեոդալին³³։

Ջրաղացից զանձվող մյուս հարկը խարաջն էր։ Այդ հարկը հիշատակվում է Շիրակավանի 1231 թ. մի արձանագրության մեջ «զխարաճ շաղաց» ձևով³⁴։ Խարաջը, ամենայն հավանականությամբ, Հայաստանում հաստատվել է սկսած VII դարից՝ կապված արաբների ներխուժման և երկիրը հարկադրելու հետ։ Արաբ պատմիչ Աբու-Յուսուֆը հաղորդում է, որ խարաջն ու զլխահարկը հավասարադրո են միմյանց։ Գլխահարկն ապահովում էր անձի, խարաջը՝ ունեցվածքի անձեռնմխելիությունը³⁵։ Թերևս XIII դարում խարաջն արդեն ուներ ավելի շատ եկամտահարկի իմաստ։ Հավանական է նաև, որ խարաջն այդ ժամանակ անջատվել էր զլխահարկից և շրաղացներից զանձվում էր որպես դրանց անձեռնմխելիությունը ապահովող երաշխիք։ Ընդհանրացնելով՝ կարելի է ասել, որ շրաղացից զանձվել են հետևյալ հարկերը՝ տամղան, մահկանան, գահեկը և

28 «Շիրակ, Տեղագրութիւն պատկերացոյց», հավաքեաց Լ. Ղեւոնդ Վ. Ալիշան, Վենետիկ—Ս. Ղազար, 1881, էջ 101։

29 Բ. Առաքելյան, նշվ. աշխ., հ. 2, էջ 216—217։

30 «Արմատական բառարան», հ. 1, Երևան, 1971, էջ 615։

31 Ս. Ավագյան, Վիմական արձանագրությունների բառարանություն, Երևան, 1973, էջ 58—63։

32 Բ. Առաքելյան, նշվ. աշխ., էջ 277—278։

33 Գր. Գրիգորյան, Դիտողություն միջնադարյան մի տուրքի մասին («Պատմա-բանասիրական հանդես», 1963, № 2, էջ 263)։

34 «Վիմական տարեգիր ցուցակ ժողովածոյ արևանագրութեանց հայոց», կազմեաց Կ. Կոստանեանց (այսուհետև՝ «Վիմական տարեգիր»), Ս. Պետերբուրգ, 1913, էջ 74։

35 Վ. Վախագյան, Վասպուրականում զանձվող խարաջի ու զլխահարկի մասին («Պատմա-բանասիրական հանդես», 1976, № 2, էջ 145)։

խարաչը՝ Ակներեաբար, դահեկը ջրաղացից գանձվող տասանորդն էր։ Ամսահարկի ձևով ջրաղացից գանձվող տամղան, հավանաբար, կոչվել է մահկանէ կամ մահկանա։ Քանի որ ջրաղացը կարող էր ամբողջ տարին շաշխատել կամ տարբեր ամիսների տարբեր եկամուտներ ունենալ, տամղաճինները տամղան գանձում էին ամսե-ամիս՝ մահկանայի ձևով։

Հարկ է նշել, որ ջրաղացներից միշտ էլ հարկեր են գանձվել, սակայն դրանք որոշ հարկատեսակներից ազատ են եղել։ Այդ մասին է խոսում, օրինակ, Մխիթար Գոշի դատաստանագրի հետևյալ հոդվածը. «Շղանդաստանայն զհինգերորդ մասն առցեն, որպէս Յովսէփ արինադրեց լծիկալտոս... Սոյնպես եւ այժմ լիցի. զի արծաթագին անդաստան, եւ այգեստան եւ բարաստան մի լիցի հարկաւ հնգեկին, նմանապէս՝ ջրաղաց եւ տուն»³⁶։ Բ. Առաքելյանը, անդրադառնալով այդ հարցին, գտնում է, որ մասնավոր հողերից, այգիներից (նաև ջրաղացներից) պետությունը կամ սենյորին վճարում էին տասանորդ, այսինքն հնգեկի կեսը, քանի որ եկամտի մի տասանորդն էլ, այսինքն՝ մյուս կեսը, անցնում էր անմիջական տիրոջ՝ ձեռքը³⁷։ Այս ենթադրությունը մի անգամ էլ ապացուցում է, որ ջրաղացից գանձվող դահեկը նրա եկամտից գանձվող տասանորդն էր, և ջրաղացից գանձվել է ոչ թե հնգեկ, այլ դահեկ։ Ջրաղացները հնգեկից ազատելու մասին է վկայում նաև Սմբատ սպարապետի հետևյալ հոդվածը. «Եւ է ըզորդ հարկուն սահմանն այս, որ զինչ Աստուած տայ հարկատուին, ի հնկեն մեկն է. Ջրաղացք և այսպիսի շինուածք ազատ է...»³⁸։ Եթե Գոշը հնգեկից ազատ է համարում արտադրական կառուցվածքներից միայն ջրաղացը, ապա Սմբատ սպարապետը հնգեկից ազատում է նաև նմանատիպ այլ կառույցները։ Հավանաբար, խոսքն այստեղ վերաբերում է նաև ձիթհանների, հնձանների, բաղնիքներին և հասարակական ու արտադրական այլ կառույցներին։

Ջրաղացներն առք ու վաճառքի առարկա լինելուց բացի միջին դարերում նաև կապալով էին տրվում։ Գառնիի Սունպենց վանքի մի արձանագրության մեջ հաղորդվում է, որ ջրաղացատեր Ստեփաննոս Հովհաննիսյանցը իր ջրաղացը 3 օր վարձով է տվել վանքին, որի դիմաց նրան տրվել է երկու պատարագ³⁹։ Խոսելով արձիշեցի Աստվածատուր վարդապետի մասին՝ Գանձակեցին նշում է, որ հոր մահից հետո նա իր բազում կուղպակները վարձով տվեց և ամեն տարի դրանց վարձը վերցնելով՝ գնում էր ոչխարի մորթիներ, կտավ ու տալիս էր աղքատներին⁴⁰։ Կապալի վերացման մասին է հիշատակվում Լոռե բերդ-ամրոցից գտնված մի արձանագրության մեջ. «...ու թողի ղկորկոտարրոցի... արրոցին կաբալն»⁴¹։ Մաքենյաց Աստվածածին շինող սյունյաց Սուփան իշխանը իր արձանագրության մեջ հիշատակում է, որ վանքին բաղմաթիվ այլ նվերների հետ տվել է նաև «... եւթն հարիւր գրամ ի Դեղձանագետոյ ղապալէն, երկու հարիւր դրամ Կաթկայ, երեք հարիւր լիսուն յԱնմեհէն, որ լինի ՌՄՍ դրամ»⁴²։ Հր. Աճառյանը «Կապալ» բառը բացատրում է որպես շտուրք, վարձք, կաշառք⁴³։ Թ. Ավդալբեկյանը նշում է «Կապալ» բառի գործածության երեք հիմնական առումներ. «1) Այն վաճառքը, որին մենք ասում ենք սոսկ վարձ, օրինակ խանութի վարձ։ 2) Կապալ նշանակում է կալութվարձ (арендная плата)։ 3) Բուն կապալ (подряд)»⁴⁴։ Մխիթար Գոշը հոդված ունի ջրաղացներից կապալով տալու վերաբերյալ, որը բերում ենք ստորև. «Յաղագս դատաստանեաց ըստ զլիսոյ հատուցմանց ջրաղացոց եւ այլոց այսպիսեաց. Եվ ղայսպիսիս ըստ զլիսոյ առեալ վկայիւք հաստատիցէ. Շահիւն անգեղջ իցէ տուողին եւ մի տացէ փոխանակ շահի տուգանս։ Եւ իւր լիցի պատրաստեալ զկապածն ամենան եւ վնասք՝ ըստ կարգի իրացն եղեալ, իսկ յանպատրաստութենէ եղեալ՝ առողին լիցի՝ ի քար, ի նաւ, երկաթ եւ յայլն ամենայն եւ ղողացեալն։ Իսկ այրեալն, եթէ ի պատճառս տեառն լիցի, եւ եթէ ի պատճառս առողին՝ նմա լիցի։ Ըստ այդմ դատիցի եւ այլ ամենայն այդպիսիս, որ ինչ միանգամ եւ իցէ...»⁴⁵։ Բերված փաստերը ցույց են տալիս, որ եկամտի կարևոր աղբյուր հանդիսացող ջրաղացները, ձիթհանները, ձեղկ-

³⁶ Մխիթար Գոշ, էջ 31։

³⁷ Բ. Առաքելյան, նշվ. աշխ., էջ 226։

³⁸ С м б а т С п а р а п е т, с. 13.

³⁹ Հ. Պետրոսյան, Գառնիի մի քանի արձանագրությունները պատմահայագիտական առումով (XIII—XIV դդ.) (Վրաբեր հասարակական գիտությունների), 1982, № 11, էջ 69։

⁴⁰ Կիրակոս Գանձակեցի, Հայոց պատմություն, Երևան, 1982, էջ 135—136։

⁴¹ Ս. Ավագյան, նշվ. աշխ., էջ 146—147։

⁴² «Վիժական տարեգիր», էջ 5։

⁴³ «Արմատական բառարան», հ. 2, էջ 21։

⁴⁴ Թ. Ավդալբեկյան, նշվ. աշխ., էջ 298։

⁴⁵ Մխիթար Գոշ, էջ 72։

նորոտարանները ժամանակավորապես վարձակալության էին տրվում և բերում կապալ, որից և բաժին էին հանում նաև եկեղեցուն։ Եթե վանքերը կարող էին շրաղացները վարձակալել պատարագների միջոցով փոխհատուցելով, ապա աշխարհիկ ֆեոդալները վճարում էին դրամով և շրամթերքով։ Սմբատ սպարապետը խիստ օրենք ունի վարձակալների մասին, որով սահմանվում է, որ կապալավարձը պետք է վճարվի անմիջապես, այլապես կապալով տրված շրաղացները, կրպակները և նման տիպի այլ կառույցները ենթակա են վերադարձվելու Իսկ վճարի հետաձգումը կարող էր լինել միայն ախրոջ համաձայնությամբ։ Ապա շրաղացը եւ խանութը եւ հայնց իրը, որ կապալ բերէ նա, չէ պատեհ, որ յիմէ վճարն, ապա վճարէ կամ մեկնակ դարձցնէ, քանի թէ տիրոջ կամաւը լինի յիմելոյն պոմանն⁴⁶։

Ջրաղացներն ու նմանատիպ կառույցները կապալով տալուց բացի նաև գրավ են դրվել Անիի մեծահարուստ Տիգրան Հոնեցը 1215 թ. Բեխենց վանքին տված իր նվերների շարքում հիշում է «...և այլ բաղում գրավկած էր, զոր ոչ արձանագրեցի վանացս էի տվել ու թե տերքն թափեն ոսկին վանացս...»⁴⁷։ Մխիթար Գոշն իր «Յաղագս դատաստանաց գրավից» հոգվածում սահմանում է. «Եթէ որ ի գրաւ առնուցու զուրուք զտուն, կամ զայգի, կամ զհող, կամ զայլ ինչ այսպիսի, եւ պատահի յամիլ (վճարն ուղացնել—Հ. Բ.) զզլուխն որքանութ առեալ անվաշխ՝ անդրէն դարձուցանէ զգրաւն։ Եւ թէ աւելի կերեալ, եւ զայն եւս հատուցէ, Եւ զոր ինչ ծախսել իցէ նմանէ, ի զլուխ իւր համարիցի, յորժամ յաղագս անձեռնահասութեանն տեսուն շիցէ դարձանեալ զգրաւ իւր⁴⁸։ Թեև հոգվածում նշված չէ շրաղացի մասին, բայց պարզ է, որ խոսքը վերաբերում է նաև շրաղացներին և նմանատիպ այլ կառույցներին։ Հոգվածի մեջ նշված «զլուխ» տերմինը պետք է հասկանալ որպես գրավի դիմաց վերցված գումար, որն առանց տուգանների ետ էր վերադարձվում գրավն ամրագրված իր հետ ստանալուց հետո։ Ջրաղացների գրավ գնելը հաստատում է Հոռոմոսի վանքի 1215 թ. մի արձանագրություն, որի մեջ Հովհաննես Թխիկը հայանում է. «Եթե ալիքման Տաթարիս վանացս շաղացանիս աւեր եւ գրաւական էր⁴⁹։ Գրավի ժամկետը լրանալուց հետո շրաղացի մի մասը պատկանում էր գրավ վերցնողին, և նա դառնում էր գործատեր։ Շատ հաճախ, գրավ վերցնելով, մեծահարուստները համոզված էին լինում, որ գրավ գնողն այլևս չի կարողանա ետ գնել դրված գրավը։ Դա շատ լավ երևում է Տիգրան Հոնեցի 1215 թ. վերը բերված արձանագրությունից։

Ինչպես նշվեց, շրաղացները եկամտաբեր հաստատություններ էին։ Ք. Ավդալբեկյանը հաշվում է, որ XIII—XIV դարերում մեկ պատարագն արժեք մոտ 20—25 դահեկան⁵⁰, Իսկ Սունպենց վանքի վերը նշված արձանագրության մեջ հաղորդվում է, որ շաբաթական 3 օր շրաղացը վանքին տրամադրելու համար նրա տիրոջը հատկացվել է երկու պատարագ տարվա մեջ, որը հավասար է մոտ 40—50 դահեկանի։ Վիմական արձանագրությունների տվյալներից երևում է, որ XIII—XIV դդ. շրաղացի մեկ աչքը արժեք մոտ 40—50 դահեկան⁵¹, Մեծիրանից ս. Հակոբա վանքի արևմտյան եկեղեցու 1293 թ. մի արձանագրության մեջ նշվում է, որ Հեջ-բի որդի Մուշեղը գնել է «զքեղացա ակն» և ավել վանքին, որի համար նրան տրվել է «...ի տարումն ռԲԻ ժամ» Առաքելոց տաճին⁵²։ Հայրավանքի XIV դարի արձանագրություններից մեկում նշվում է, որ Բուրթլի իշխանի որդիներ Բեչքէնն ու Ինանիկը վանքին են տվել մի շրաղաց և ստացել մի ժամ զատկին⁵³, Մեծիրանից ս. Հակոբա վանքի մի այլ արձանագրություն հաստատում է, որ Վախթանգի որդի Զաքարեն տվել է «զքաղացն Մխիթարայ հոգոյն» և ստացել է «Զ. ժամ»⁵⁴։

⁴⁶ См бат Спаракет, с. 120.

⁴⁷ «Դիվան», հ. 1, էջ 63.

⁴⁸ Մխիթար Գոշ, էջ 66.

⁴⁹ «Վիմական տարեգիր», էջ 95.

⁵⁰ Ք. Ավդալբեկյան, նշվ. աշխ., էջ 336.

⁵¹ Հարկ է նշել, որ հաշվումները մոտավոր են, քանզի տարբեր դարերում ու շրջաններում պատարագները տարբեր արժեք են ունեցել։ Մեր հաշվարկները սոսկ XIII—XIV դդ. շրաղացների մոտավոր եկամուտը և գինը ցույց տալու փորձ են և չեն հավանում վերջնական պատասխան տալ այդ հարցին։

⁵² «Դիվան», հ. 5, էջ 16.

⁵³ «Դիվան», հ. 4, էջ 71.

⁵⁴ «Դիվան», հ. 5, էջ 20.

Այսպիսով, միջին դարերում ջրաղացները, լինելով եկամտաբեր կարևոր հաստատություններ, արտացոլում էին հասարակության սոցիալ-տնտեսական հարաբերությունների առանձին էությունը և այն տեղաշարժերը, որոնք կրում էին ոչ թե մասնակի, այլ համընդհանուր բնույթ։ Մեծատունների հասարակական խավի աճին համապատասխան եկամտի աղբյուրները անտի-ճանաբար անցնում են քաղաքային առևտրա-վաճառական վերնախավի ձեռքը։ Այդ իրողությունն առավել ցայտուն կերպով տեղի է ունեցել սելջուկյան տիրապետությունից Հայաստանի ազատագրության և Զաքարյանների իշխանության կազմավորման ժամանակաշրջանում, մի իրողություն, որն ակնհայտորեն խրկան է դալիս նաև ջրաղացների տերերի սոցիալական կազմի փոփոխությամբ։

МЕЛЬНИЦЫ В СРЕДНЕВЕКОВОЙ АРМЕНИИ

ГРАЧЯ БЕГЛАРЯН

Р е з ю м е

Мельницы были значительными производственными строениями в средневековой Армении, являясь в то же время важными прибыльными предприятиями, отражающими различные стороны социально-экономических отношений общества и те перемены, которые носили не частный, а общий характер. Кроме того, что с мельниц взимались многочисленные налоги «тамга» (տամղա), «макана» (մահանա), «даек» (դահեկ) и «харадж» (խարաջ), они сдавались также в аренду.